

MEMORIA EKONOMIKOA

EUSKADIKO KOOPERATIBEN LEGEA ALDATU ETA BATERATZEKO LEGE AURREPROIEKTUA

1.- Xedapen Orokorrak Egiteko Prozeduraren abenduaren 22ko 8/2003 Legearen 10.3 artikuluan xedatutakoaren arabera, proiektuaren espedienteak "memoria ekonomiko bat edukiko du, eta, hor, egitekoa den arauaren kostuaren zenbatespena azalduko da: gastu eta diru-sarrerak zenbatuta agertuko dira, eta, orobat, herri-administrazioaren aurrekontuetan izango duen eragina, finantzaketa-iturri eta -erak nahiz Euskal Autonomia Erkidegoko Administrazioaren ekonomia- eta araudi-kontrolaren gaineko arauak zehaztutako beste alderdi batzuk. Egitekoa den arau horren aplikazioak beste administrazio publiko batzuei, banakoei eta oro har ekonomiari ekarriko dion kostua ere neurtuko du.

Euskal Autonomia Erkidegoko kontabilitate eta kontrol ekonomikorako ekainaren 30eko 14/1994 Legearen 25etik 27ra bitarteko artikuluetan aurreikusitakoaren arabera, Kontrol Ekonomikoko Bulegoari dagokio eduki ekonomikoa duten arauzko xedapenetako proiektutako kontrol ekonomiko eta arauzkoa burutzea. Ekonomia- eta antolaketa-alderdiei dagokienez, kontrol horrek barne hartzen du, Euskal Autonomia Erkidegoko Herri-administrazio organoen nahiz erakundeen sorrera eta baliogabetze oro fiskalizatzea.

Memorian Euskal Autonomia Erkidegoko Administrazioaren barneko ekonomiaren kontrola eta kontabilitatea garatzen dituen urriaren 31ko 464/1995 Dekretuaren 42. eta 43. artikuluetan kontrol ekonomiko eta arauzkoa ahalbidetzeko adierazten diren alderdiak jaso beharko dira.

2.- Memoria Orokorren helburu orokorra da, hura behin betikoz onartu aurretik, ekonomiaren ikuspegitik ere arau koherente eta justifikatu bat izateko beharrezkoak diren berme ekonomikoak ematea, modu horretan, haren baliagarritasun eta bideragarritasun ekonomikoa ziurtatzeko eta, zehazki, aurrekontu baten babes, finantza arloko justifikazioa eta Euskal Autonomia Erkidegoko Ogasun Nagusia osatzen duten alderdi ezberdinetan duen eragina ziurtatzeko (aipatutako 14/1994 Legearen 26.1.a), b), c) eta d) artikulua ohia).

finean, horrekin guztiarekin, etorkizuneko arau horren legezotasun, zuzentasun eta aukera ziurtatzeko.

Araudi aplikagarria eta arauaren edukia behatuta, Memoria hau hiru ataletan egituratzen da:

- a) Ekonomia eta aurrekontu arloko eragina.
- b) Ekonomia eta antolamendu arloko eragina.
- c) Beste Herri-administrazio batzuentzako, partikularrentzako eta ekonomia orokorarentzako kostuari dagokion eragina

A) EKONOMIA ETA AURREKONTU ARLOKO ERAGINA

Pertsona juridiko pribatu bat, kooperatiba bat, arautzen duen arau bat aldatu eta moldatu da, eta EAE honek eskumen eskusiboa du horren gainean. Horrenbestez, hura eratzeko araubidea, egiturazko aldaketak eta desagertzea, hartako araubide organiko eta funtzionala nahiz araubide ekonomiko eta sozietatekoa arautzen ditu. Horrenbestez, eskubide eta interes pribatuetan eragiten du.

Soilik aipatutako aurreproiektuaren zirriborroko 111. Tituluan aipatzen dira kooperatiben eta Administrazioaren arteko harremanak. Funtsean, bi administrazio-jardueretan du eragina: alde batetik, sustapen eta promoziokoan eta, bestetik, kontrolari buruzkoan.

Horietako lehenengoan, kooperatiba mota zehatzen egungo garapen eta egoerara egokitu dira, eremu jakin batzuetan, Eusko Jaurlaritzako Saitetako eskumenei dagokienez; haatik, proposatutako aldaketatik ez da, inolaz ere, eratorzen, aurrekontu-gastuekin lotutako betebeharririk; aitzitik, xedapen orokorrak dira, sustapen arloko ildo orokorrei buruzkoak. Hala badagokio, eta bere garaian, dagokion araua izango da gastu zehatza finkatu eta kuantifikatuko duena, eta gastu hori dagokion Memorian justifikatu beharko da.

Kontrol-jarduerari dagokionez, kooperatibaren legedia ez betetzearen ondoriozko faltan tipifikazioa kooperatibaren zehaztasunera egokitu da. Beraz, kuantitatiboki murriztu egiten dira.

Azkenik, antolaketari buruzko administrazio-jardunari dagokionez, hots, Kooperatiben Erregistroa antolatu eta kudeatzeari buruzkoari dagokionez, informazio eta komunikazioaren teknologia berriei buruzko aipamen orokorrak dagoeneko aztergai dira gaur egun. Horrenbestez, ez da aurreikusten arau berritik eratorrita gastu zehatza areagotu egingo denik.

Horrenbestez, araua aldatzeak ez du eraginik, berehalako aplikazioan, aurrekontu-gastu eta -sarrera publikoetan (aurretiaz gertatzen ez zenik). Era berean, ez du eraginik, derrigorrez, Euskadiko Ogasun Nagusiari dagozkion gaietan, bere aurrekontu-araubide orokorrean eta diru-laguntzei buruzko zehatzean;

modu berean, ez du eraginik, oro har, eskubide eta betebeharrak ekonomikoen araubidean.

B) EKONOMIA ETA ANTOLAMENDU ARLOKO ERAGINA

Ikuskatzeko jarduna Euskadiko Kooperatiben Goren Kontseiluak betetzea aurreikusten da. Horrenbestez, Eusko Jaurlaritzaren zama administratiboa murriztu egin beharko da, jakina. Ez da ekonomia eta antolamendu arloko beste eraginik aurreikusten.

C) BESTE HERRI-ADMINISTRAZIO BATZUENTZAKO, PARTIKULARRENTZAKO ETA EKONOMIA OROKORRENTZAKO KOSTUARI DAGOKION ERAGINA

Sustapen-jarduera dagoeneko aurreikusten da egungo legerian. Horrenbestez, eragina oso txikia izango litzateke partikularrei eta ekonomia orokorrari dagokienez.

Beste herri-administrazio batzuetan erreparatuta, ez da kostua areagotzea aurreikusten.

Gasteizen, 2015eko ekainaren 25ean.


FDO.- MARIA UBARRECHENA CID
DIRECTORA DE ECONOMÍA SOCIAL